

DIARIO


E MATUTINO DI ARUBA

DIASABRA 18 FEBRUARI 1989

ABONADO PA LUNA 15.00 FLS* PA EJEMPLAR 0,60* AÑA 8/No. 3007



GRAN MUSICO COMPOSITOR, AREGLISTA EDDY BENNET A FAYECE



Ayera noch den Bernhardstraat San Nicolas, e auto ariba e grafico aki a perde control y slip drentadura y veranda di cas. E accidente a sosode na altura di One & All Rum Shop. Chofer a keda levemente herida. Daño material ta basta mil Florin.

FATUM A FINANCIA
PROYECTO LAGUNA
DORADO BEACH
RESORT



SALUBRIDAD PUBLICO
MESTER EHECUTA
NO ORGANIZA



CASA
Y YIU MUHER
DI STROESSNER
A BAY MIAMI



777 VOTADOR TIN
HOPI DESEO?

GUERA CONTRA DROGA A SIGUI
MEI KILO DI COCAINA
Y TRES DETENCION

HOBEN DI 18 AÑA
A VIOLA MUCHA MUHER
DI 3 AÑA

Gran musico compositor, areglista Eddy Bennet a fayece

ORANJESTAD (AAN) - Ayera noch algun minuut despues di 10or a drenta e tristota noticia cu creador a yama den su reino celestial un gran yui di tera, un musico, un amigo di nos tur, EDDY BENNET.

Eddy Bennet persona cu a dedica su bida na musica, un compositor cu a compone masha hopi composicion pa nos cantantenan tanto infantil, juvenil y pa e grandinan cu awe tin nomber internacional.

Eddy Bennet a compone y aregla hopi cancion pa carnaval, dos aña pasa e festival di Tumba a ser dedica na Eddy.

Cumintamento di aña Fundacion Promocion Cultura Aruba presidi pa Joy Kock a duna reconocimiento nacional na e gran musico aki. Ministro

di Cultura Mr. Mito Croes a entrega oficial di e prome "Life's achievement award" na e grand musico Eddy Bennet, kende tabata interna den Dr. Horacio Oduber Hospital. Presente na e gran ocasion ey tabata Leo Tromp Director di Instituto di Cultura, Edwin Abath, Joy Kock.

Tabata momento hopi emocional pa e gran musico Eddy Bennet pa ricibi su premio.

No tin duda cu morto di Eddy Bennet ta un golpi duro pa farandula Arubano, Eddy a laga un bashi cu sin duda ta dificil pa ser yena, debi cu no ta existi aki na mundo un otro Eddy Bennet musico compositor y areglista pa yena e bashi cu a keda atras. Eddy a laga un tesoro musical pa e


general actual y pa esnan cu lo sigui.

Eddy sosega na paz, pueblo lo

yora bo y recorda e mes momento e tesoro musical cu bo a laga pa nan.

Na su familianan y na musiconan palabra di mas profundo condolencia.

Fatum a financia proyecto Laguna Dorado Beach Resort



ORANJESTAD (AAN) - Tabata un sorpresa grandi ayera tardi ora Sr. Justo Lopez Director di e prestigioso proyecto Laguna Dorado Beach Resort a presenta cu financiamiento di su proyecto cu lo ser construi den Spaans Lagoen, cual proyecto tabata masha hopi den noticia den luna di October aña pasa. E proyecto a yega asina leeuw cu practicamente a pone e gobierno tambalea debi cu tabata tin problema ariba e asunto di

garantia di 2.5 Mijon florin cu Sr. Lopez a pidi for di Gobierno.

Despues cu Gobierno a baha, Staten a duna garantia di e suma ariba menciona pero marea na varios condicion.

Ayera tardi Sr. Justo Lopez a presenta Mr. Alex A. Vermeulen Director di Fatum den Caribe, cual compania lo financia e proyecto Laguna Dorado Beach Resort cu 17 Mijon florin.

Sr. Lopez y Mr. Vermeulen a firma e garantianan. E proyecto a haya garantianan despues Fatum a studia rapportnan cu a ser traha ariba dje.

Ta prome vez cu Fatum ta financia un proyecto di tal magnitud aki na Aruba.

Sr. Lopez ta masha gradicido na Fatum y na Gobierno di Aruba y especial Prome Ministro Oduber y Consejo di Ministro cu a pone confianza den e proyecto.

Guera contra droga a sigui

Mei kilo di cocaina y tres detencion

ORANJESTAD (AAN) - Autoridad local den nan furia di guera contra droga ta sigui cu exito ariba e grandinan cu ta meti den e baho mundo di cocaina.

Parce cu tin un frenamento formal ta tumando lugar ultimo dianan aki ariba e traficantenan local y internacional.

Den nan furia pa frenta e trafico di droga pisa cu ta invadi Aruba e dianan aki.

Autoridad a bolbe hit 3 Venezolano cu a yega Aruba. Den nan poder a ser haya mei kilo di cocaina di alta pureza.

Golpi tras di golpi e traficantenan di droga ta hayando ultimo dianan cerca e recherchnan di departamento narcotica.

Den un siman recherchnan di e tremendo combate di departamento narcotica a desmantela un gang poderoso y basta grandi di Venezolano cu a trata di introduci nan lote di cocaina aki na Aruba.

Autoridad a cuminsa pone mas atencion ariba vuelonan procedente di Venezuela y ariba cierto traficantenan di droga cu ta drenta Aruba bao di capa di turista.

Guera ta sigui y tur cos ta muestra cu e departamento narcotica ta den un tremendo lucha contra e narco trafico.

Despues di a molestia Dr Ho Kang You y a keda solamente siete luna den barica di mi mama. Mi kier a anuncia mi yegada riba 9 Februari '89 pa 1:30 pm. Mi nomber ta: INDIA MARIA HERNANDEZ

Telefoonnan di Diario
Tel: 26747
Tel: 22207
Tel: 35026

BIJ VONNIS VAN HET GERECHT IN EERSTE AANLEG ARUBA D.D. 2 NOVEMBER 1988 IS VERKLAARD DAT ER RECHTSVERMOEDEN BESTAAT VAN HET OVERLIJDEN VAN MARLON ALVARO YARZAGARAY SEDERT 27 Juli 1981

E cuenta

SuperSpaar

di FIRST awor ta paga mas interes

6.5%

Pa mas informacion, yama nos oficianan:

FIRST

First National Bank of Aruba N.V.

NASSAUSTRAT 67
BOULEVARD SHOPPING MALL

Tel. 33221
Tel. 33224